



Qeqqata Kommunia

2023-mut ukiumut pilersaarusiaq

Meeraateqarfik Aanikasik

Meeqqeriviup pisortaa: Grethe Heilmann
Tullersorti Frederikke Therkelsen

Esbjergvej B 750
813375
aanikasikmaniitsoq@qeqqata.gl



IMARISAA

IMARISAA	2
Meeqqeriviit ukiumut pilersaarussiaannut piumasaqaatit	3
1. Perorsaaanermi ukiumoortumik pilersaarut:	4
1.1 Meeqqeriviup ilisaritinnera	4
1.2 Meeqqeriviup anguniagai naleqartitatullu tunngavii.....	6
1.3 Perorsaaanermi anguniakkat	6
1.4 Meeqqat pisariaqartitaat.....	7
1.5 Meeqqerivimmi kulturimut perorsaanermilu najoqqutassat	8
2. Ukiumoortumik pilersaarutaanikup nalilersorneqarnera	10
2.1 Meeqqat.....	10
2.2 Angajoqqaat/pisortat	10
2.3 Sulisut	10
3. Ukiumut nutaamut pilersaarutit	11
3.1 Meeqqanut ileqqunik sammisassanillu ukiumut pilersaarut.....	11
3.2 Angajoqqaanik suleqateqarneq	14
3.3 Sulisut suleqatigiinnerat.....	14
3.4 Ukiuni aggersuni suliniuteqarfissat	15



Meeqqeriviit ukiumut pilersaarusiaannut piumasaqaatit

Meeqqanut suli atualinngitsunut perorsaankkut inerikkiartuutaasunik ulluunerani neqeroorutit pillugit Inatsisartut inatsisissaat nr. 16, 3. december 2012-meersoq naapertorlugu meeqqeriviit ukiumoortumik pilersaarusiortarnissaat piumasaqaataavoq (takuuk §5, imm. 2,2). Ukiumut pilersaarusiamik suliaqarnissamut meeqqerivinni ataasiakkaani pisortat akisussaasuupput (takuuk § 16 imm. 2).

Ukiumoortumik pilersaarusiortermermi atuisut ataatsimoorfiat tassa, pilersuisut sulisullu peqataatinneqassapput (jf §21, stk 2,2).

Ukiumoortumik pilersaarusiami meeqqeriviup anguniagai, taamatullu ukiumi nutaami meeqqanik nakkutiginninnerup, sammisaqartitsinerit pilersaarutillu naliliivigineqarneri ilaatigut saqqummiunneqassallutik.

Ukiumoortumik pilersaarusiaq kingusinnerpaamik novembarip 30-ani Ilinniartitaanermut immikkoortortamut nassiunneqassaaq.



1. Perorsaaanermi ukiumoortumik pilersaarut:

1.1 Meeqquqeriviup ilisaritinnera

Paasissutissat nalinginnaasut

- Meeraateqarfik Aanikasik
- Esbjergvej B 750 Postboks 11
- aanikasikmaniitsoq@qeqqata.gl 813375
- 06:45-17:00
- Illoqarfiup kangiata tungaani
- Aqqa: Meeraateqarfik "Aanikasik"
- Meeraateqarfik "Aanikasik" atigivaa arnaq utoqqaq "Aanikasik"-mik taagukkap illukuata nalaaniikkami illu toqqavik. 1973. 7. Januar.



-
- Atualertussalerivimmiit Meeraateqarfingorpoq 1. August 2020

Inissaqartitsineq atortussallu

- Amaqqut, Puisit, Nannut, Aqissit. Meeraaqquqeriviit init marluk 0-2½. Børnhavet init marluk, 2½-4 ini ataaseq 3-5-mik ukiullit. Vuggestue-ni inini marlunni 24, børnehavet ini ataaseq 12. Angajullerni meeqqat 15. Tamakkerlutik meeqqat 51.
- Pisortaq 1, tullersorti 1, perorsaasoq 1. Socialassistent 1, isumaginninnermi ikiortit 2. ikiortit 4, siviisuumik paarlatsit 3, eqqiaasoq 1, erruisoq1, vikarkorps 1.
- Nangilersuiviit pingasut innaallagissamoortut, Ipad, computer.
- Qamutaasivik, INI/AS-imiit meeqquqeriviup sanianiittoq attartorparput.





1.2 Meeqqeriviup anguniagai naleqartitatullu tunngavii

- *Meeraq imminut naleqartittoq/ Inuttut naleqassusianik misigitittuarnissaa, taamaalilluni inuttut ineriartornissaminut periarfissaqarnerussamat, piumassuseqarnerullunilu sammisassanut, alloriaqqinnissamat arlaatigut misigissutsikkullu ikorfartorneqarnissaa. Tassani anguneqarsimassaaq inuup pisariqartitaa (Maslow) ataaninngaaniit qummut 1-miit qummut 5-mi ilanngullugu, eqqumaffigineqassallutik, taamaalilluni meeqqap sammisaqarsinnaanini tamakkiisumik qularnaassammagu. Taakkulu angutserlugit inooqataaanikkut tapersorsorneqarnermigut toqqissisimanissaa. Inooqataaermikkut malittarisassanik ersinnigitsunik ersittunillu aallussinissaannut piorsaaffigineqarneq ingerlanneqartassaaq. Misigissutsit meeqqerivimmi akuerisaammata meeqqat periarfissamik ammaanngartarput tassuunakkut. Eqimattakkaarneq meeqqat ikittunnguutillugit angusaqarfiulluartarmat aallunneqartassaaq suli. Meeqqat sulisullu toqqissisimanermik tapersorsorneqarnermillu misigitillugit, ineriartortissinnaallugillu meeqqanut pitsaasumik sinaakkusiinissaq anguniagaavoq. Ilaqutariinni inuiaqatigiinni aallaaviuvoq. Angajoqqaat akisussaaffimmik tiguisut qanilaartuullutillu”.*

1.3 Perorsaanermi anguniakkat

- *Timi atorlugu aalanerunissaq*
- *Oqaatinik eqqortumik atuinissaq*
- *Pinnngortitamik atuinissa; upernaakkut, aasakkut, ukiakkut, ukiukkullu*
- *Ukioqatigiianik samminnitarneq*
- *Pilersaarusernermi meeqqat peqataatittarnissaat*
- *Meeqqat alapernaatsut-apersortut-ilikkagassaanut kajumittut pilersinnissaat*
- *Ataqatigiiaartumik timitaliilluni pilersitseriaaseq*
- *Meeqqat ataasiakkaarlugit killifiisigut sullillugit*
- *Meeqqap sullinneqarnerani meeqqeriviup angajoqqaallu periusaat ataasiussaaq*
- *Ataqqeqatigiinneq, akaareqatigiinneq, oqaasertaliilluni qisuariartarnissat ilikkassavaat*
- *Kinaassutsimik-ilaquttanillu ilisimaarinninneq-naleqartutut, asaneqartutut, misigitinneqarneq*
- *Ukiuumut pilersaarussiaq: Ukiup qanoq ilineri sisamat*
- *FN anguniagaa (2020)-2030.*
- *Isummersuutit uku tunngavigalugit aallusisoqarpoq: Perorsaaneq pillugu isumaliusersuusiortut isummersuutaasa atorngartut ukuupput: Lev Semyonovich Vygotsky Perorsaasoq inatsisileritooq, Russeq, tarnip pissusaanut ilinniaqqissimavoq. Kandidat Paulo Freire Brasiliarmioq perorsaasoq Ilinniaqqinnikuullunili professoritut pædagogikimi. Abraham Maslow USA-mi inunngorsimavoq. Professorinngorluni (Ph.D) psykologimi.(1934-mi). Erik H Erikson malillugu ineriartornermini killiffiit.*
 - *Meeqqap killiffia qaninnerpaaq: Ineriartoqqinnissamat killiffia tullinnguuttoq. (IKT)*
 - *Meeraq inunngornermini inuiaqatigiinnikkut kulturikkullu sunniivigeqatigiinneq aqutugalugu ineriartortoq. Tunngaviit arfineq marluk (T 1-7) Oqaloqatiginnikkut ilitsersuineq O.I-ertitsineq atuutilerpoq, qulakkeerneqassalluni sulisup sulinermini tamakkiisumik sakkutut atussammagu.*
 - *Meeqqap eqqarsartaatsimigut ineriartornerani oqaatsit qitiusutut inissisimapput. T 2-5*
 - *Meeqqat ilisimariigaat ilisimaligaallu ataatsimut tapertariittut. T 1-2-3-4-5*
 - *Meeqqat namminneq ilisimasatik isumassarsiarisaraat/ inissitsitertaraat/ aaqqissortaraat. T-3-7 Taamaattumik Vygotsky isumaqarpoq meeraq ineriartussaguni tapersorsorneqassasoq. Ilanngukkusupparput pisariaqartoq meeqqap avatangiisiminit isumassorneqarnissaa. T-6*



1.4 Meeqqat pisariaqartitaat

- *Meeqqap pisariaqartitai, pissusaa, ineriartornera killiffialu*
- *Meeqqap killiffiinik killiffissiuinermi sakkut atorineqartartut makkuupput:*
- *Meeqqap mappea angajooqqaat peqatigalugit immersugassaq.*
- *MIIM 3-5 ukiullit. (Meeqqap ineriartornermini inissisimaffianut misissuut) (Meeqqap pikkoriffii nuannarisai aallaavigalugit ineriartortitsineq)*
- *PUB 0-5 ukiullit. (Dansk Pædagogisk Udviklings-Beskrivelse) (Perorsaanikkut ineriartuutaasumik allaaserinniffik.)*
- *Børnemappe (Meeqqap ineriartorneranut paasissutissat iliusissallu) Meeqqap Mappeanut nutartikkamut nuukkiuartuaassaaq, isertut naalungissaninngaaniit.*
- *Isumaalunnermut uuttuut. (Meeqqap immikkut sullinneqartussap nalunaarsuiffiat)*
 - *Ukiumut marloriarlugit killiffissiorneqartarput*
 - *Børnemappe- MIIM 3-5 ukiullit*
 - *Ukiumut marloriarlutik atuisunut ataatsimiisitsisoqartarpoq, saniatigut inikkaartumik ataatsimiisitsisarlutik.*
- *Meeqqat inuttut ataasiakkaatut qanoq ilanngunneqassappat?*
- *Ataatsimoortarneq. Meeqqat inini allani sulisunut sungiusimanninnerulernissaat siunertaralugu ulluni aalajannersimasuni ullaakkut nal. 08:30 tungaanut ininit marlukkaarlutik tulleriarlutik ataatsimoortarput. Sapaatip akunnerani ulluni ukunani: Marlunngorneq sisamangornerlu. Taakkua saniatigut meeqqat ulluanni aamma ataatsimuualaartarput. Nalliuttut tikileraangata inini nereqatigiinneq.*
- *Angajooqqaanik aggersaaneq oqaloqateqarnerlu, tassani meeqqamut suleqatigiissutissat isumaqatigiissutigineqartarput. Taannalu iluatsinngippat samarbejds møde allartinneqartarluni. Immikkut pisariaqartitsisoqartillugu tapersersortilerneqartarpoq.*
- *Pisariaqartitsisut siunnersorneqarsinnaasarput, innersuunneqarsinnaallutillu MISI-mut. MISI neqeroorteqarnikuuvoq pisariaqartitsisunut siunnersortasinnaalluni.*
- *•Meeqqat ataasiakkaat eqqissisimangitsut toqqissisarniarlugit anninneqartassapput timaanik atuisillugit.*
- *•Innarluutilinnut immikkullu pisariaqartitsisunut MISI-miit atorniarsinnaavugut makkuninnga: Issiaatat, vest, qipiit, tigummiartakkat allallu ikiuutaasinnaasut. Taakkuuppullu innarluutilinnut naleqqussakkat.*



1.5 Meeqquerivimmi kulturimut perorsaanermilu najoqqutassat

Meeqqueriviup kulturia ilisarnaataalu

Aanikasik-siup ilisarnaatigivaa meeqqat killiffiiniit siuarsaaneq, oqaatsitigut, silassorissutsikkut, pussutsigut, timiminik atuinermigut, inooqataanikkut, naleqartutut misigitinneqarnikkut, attaveqarnikkut piginnaasatigut killiffianiit ineriartortsitsineq aallunneqassalluni. Nerisassaanik nerisinnaassusaa, nerisassat narrugineqartillugit misileqqaarneqartarnissaat mamaagigaluarunikkilluunniit, meeqqap peqqinnissaa ullormullu nukissaqarnissaa pillugu.

**Sammisaqarnermi "kinaavunga" Sassarsinnaaneq pingaartinneqarluni ingerlanneqartarpoq.*

**Ullaarnganiit meeqqanut akisussaaffilersuineq*

**Init tamarmik qaammatikkaartumik pilersaarutai assigiipput, qaammammut qulequtaq aalajangersimasoq aallunneqartarpoq.*

**Meeqqat piginnaasarilerigassai 0-2½-nik ukiullit, 2½-3½-nik ukiullit, 3½-5-nik ukiullit.*

**Illup iluani init sisamaapput torsuusarsuaqarami meeqqat sulisullu imminnut takukulasuupput.*

Sapaatip akunneranut marloriarlutik ullaakkut ataatsimoortarput, Marlunngornikkut Vuggestue-taani taavalu Sisamngornikkut Børnehave-taani, Nal. 6:45-8:30. Taamaalillutik imminnut meeqqat aammalu sulisut ilisarisimanerulertussaallutik.

Meeqqat meeqqerivimmut ullaakkut 3-3½ ukiullit atitik meeqqatut allattarpaat imaluunniit ikiorneqarlutik, Børnehave anginerusunut nuunnginnerminni tipisioerlugit. Børnehave anginermi 3½-5-nik ukiulinni tamarmik isernerminniit akisussaaffilerlugit periutsit atorveqartut makkuupput: Iseqqaarnermi tavle-mut atsiorneq.

Meeqqap assia: Meeqqap assini matumiittoq nuullugu, ass: maaniippunga-mut. Aatikkunilu maaniingila-mut nullugu.

Ullormut ullorsiutilerisitsisusaaq aamma nerisassanik aallertoq, nerrivilioqataasoq matumi atia nivingasarpog, inuttaasussap ilisimariissammagu.

**Misigissutsini sumiinneq: Qanoq misigivunga atini kiinnat sisamaasunut (smilet) qungujulasooq, annuttoq, aliasuttoq, qiasooq, pussuttartumi atia allaqqasooq atorlugu qanoq misiginini aallaavigalugu ikkullugu.*

**Piginnaasatigut ineriartortsitsineq: Anguniagaq ullaat tamaasa iserunik aallartittarpaat, ullorsiutilerineq, tassa ullumikkut qassinngornerua, qaammat suna, ulluisa qassingat, sila qanoq ippa, imminut ilisaritinnerit, angajoqqaat ilisaritinneri qatanngutit, ilaqtallu soorlu anaakkut aataakkut. Ilutsit, kisitsisit, qalipaait, uumasut, inuliorneq, taakkulu ataasinngornermiit tallimannorneq ilanngullugu ullormiit ullormut allanngorarlugit tulleriiaarlugit ingerlanneqartarput. Sapaatip akunneranut ataasiarlutik eqaarsaartarput. Silalu atorluarneqassaaq, soorlu: Qaqqaliarneq, sivingasukkut majuarneq aammalu ammukarneq tassani balancerissaatigineqassalluni, tassa aasakkut aammalu ukiuunerani.*

Perorsaanikkut najoqqutassat / malittarisassat



Meeqqueriviup najoqqutassiai malittarisassaalu nassuiakkit, soorlu assersuutigalugu:

- Ulluinnarni/sapaatip akunnerini periutsit
- Ulluinnarni ullaat tamaasa ullorsiutilerisarput. Sapaatip akunneranut init tamarmik assigiinngitsunik pilersaaruteqartarput.
- Meeqquerivimmukaassisarneq aallertarnerlu pillugit malittarisassat: Ullaakkut nal. 06:45 ammarneraniit 09:00 tungaanut aggiussisoqartassaaq, taassuma saniatigut nalunaarlutik kingusinaartoqarsinnaavoq pisassaqrneq aallavigalugu. Inortuisoqartillugu meeraq tigujumanninneqarsinnaanngilaq. Meeraq aallertoq 12-lileereersimassaaq. Aallertoq kingusinnarpaamik isereersimassaaq nal. 16:45, meeqqamik atisalersuinissaaq, meeqqamullu tunngasumik anngussinissaaq eqaarsaatigalugu.
- Nerinissamat piffissat nerisassallu: ullaap tungaa nal. 08:30 aamma 15:30 missaami tumannguersaatnik tamulutsinneqartarput, kiks naatitalluunniit. Nal. 11:00 iffiartorfiusarpoq igaartorfiusarlunilu. Iffiartorfik ataasinngorneq, pingasunngorneq, tallimanngornerlu. Igaartorfik marlungorneq, sisanganngorneq.
- Sininnissamat qasuersaarnissamullu piffissat: Meeraaqqerivinni ullormut marloriarsinnaasarput. Børnhavetaani minnerni ulloq qeqqasioreernerup kingorna nal. 11:30 missaani. Børnhavemi anginerni nal. 11:30 qasuersaarfiusarpoq.
- Aneernissanut piffissat: Meeraaqqerivinni ullaap tungaa periarfissarisarpaat aneernissaaq. Børnehavetaani ullaap tungaani ualikkullu periarfissarisarpaat aneernissaaq, pisuttuarnerluunniit.
- Meeqqanik meeqqerivinniilertussanik nutaanik nalunaaruteqartarneq: Meeqqeriveqarfiup allaffianiit isertussat nalunaarutigineqartarput.
- Ullut napparsimanerit: Meeraq napparsimappat angajoqqaat pisussaaffigaat nalunaarutigissallugu, nalunaarutigalugulu suna nappaatigineraa, nappaat tuniluuttuuppat meeqqerivimmi nalunaarutigineqassaaq nivinngaanikkut.
- Atisassamaatit allallu nammineq pigisat: Meeqqaat namminneq atisassamaataannik nassartinneqartarput, taamatullu nangissamaatissaannik. Pinnngussanik nassarfimmi ulloq marlungorneq namminneq akisussaaffigisarpaat aserussagaluarpata tammassagaluarpataluunniit. Taamatullu kurebrætit.
- iPad atornerqarneruvoq assiliinikkut, isiginnaagassanut, aammalu isumassarsiorfittut sammisassanut assigisaanullu.
- Paasissutissat allat pingaarutillit: Kinaluunniit aggiussisoq aallertorlu aanngajaarniutinik atuisimannginnersoq qulakkerniarneqartassaaq. Taamatullu atuisoqarsimatillugu nalunaarutigineqartassalluni.



2. Ukiumoortumik pilersaarutaanikup nalilersorneqarnera

Ukiumut kingullermut eqikkaaneq, uku siunertaralugit:

- *Ukiortaarsiornissaq taamaatippoq corona takkummat.*
- *Suliniutit: Ukiumut pilersaarutit tamangajammik ingerlalluarput, taamaallaat pinngitsoorneqarput Eqaluk, puisu, naajat manni. Tassani peqqutaavoq kalaalimineerniarfimmil pisiassanik iluatsitsinngitsoorneq. Ukioq manna paarnanik iluatsitsinngilagut.*
- *Meeqqat ineriartornerat: Meeqqap killiffiat aallaavigalugu ineriartornerat aallunneqartarpoq.*
- *Iluatsinnikut, ilinniartitsinerit misilittakkallu: Tunngaviit 7-it ingerlanneratigut Oqaloqatigiinnikkut ilitersuineq (O.I) iluatsilluartumik ingerlanneqartarpoq. Meeqqap killiffia aallaavigalugu ilinniartitsinerit misilittaanerillu aallunneqarput.*
- *Sammisassaqartitsineq: Ukiumut pilersaarutit saniatigut init tamarmik immikkut sapaatip akunneranut sammisassaanut pilersaaruteqartarput.*
- *Allat:*

2.1 Meeqqat

Ukiumut kingullermut eqikkaaneq, uku siunertaralugit:

- *Uttuutinut systemi: Immersorneqartarnera ingerlalluarpoq. Qaammatit tamaasa meeqqerivit allaffiata pisortaanut nassunneqartarpoq. Sulisullu nutaat pulaffigilluarlugu.*
- *Takkuttarnerit kisitsisinngorlugit: Meeraateqarfik Aanikasik Januar-Oktober 2022 takkussimapput 7920 procentinngorlugu: 79,2*
- *Allat*

2.2 Angajoqqaat/pisortat

Ukiumut kingullermut eqikkaaneq, uku siunertaralugit:

- *Siornatigut atuisunik ataatsimoortitsinerit: Ukiakkut Oktoberimi atuisunut ataatsimiisitsivugut. Tassani angajoqqaat taasinikkut qinerneqarput Ad Hóc-mut suleqataasussaallutik. Sulisullu marluk. Tassani qinigaasut ataatsimiinnikuunngillat. Qinigaasoq ataaseq piffissaq sivikitsoq atuuppoq, aallarnini pissutigalugu.*
- *Allat*

2.3 Sulisut

Ukiumut kingullermut eqikkaaneq, uku siunertaralugit:

- *Ataatsimiisitsivugut Aprilimi, aammalu Oktoberimi, Ad Hócimut qinersinertalimmik, angajoqqaanik sulisunilu. Angajoqqaat qinigaasut naapinneqanngillat.*
- *Ukiumut nutaamut sammisassatigut pilersaarut.*

3. Ukiumut nutaamut pilersaarutit

3.1 Meeqqanut ileqqunik sammisassanillu ukiumut pilersaarut

Januar	Februar	Marts	April	Maj	Juni
<p>A. 10. Januar meeqqat ukiortaarsiortillugit Aanikasiup nalliunnerani ukiut 50-it. B. Sisoqqanneq kurebræt, nulut,ammiammeerneq. B. Puisi sammillugu.</p>	<p>A. 28. februar sisorarfissiornermi sisoqqakkiartorneq. B. Suiassuseq sammillugu.</p>	<p>A. sisoqqakkiarneq Oqqiffik Ole atorlugu. C. Apummik illuikkiorneq.</p>	<p>A. Kigutit ulluat sammillugu. B. Angajoqqaat suliffeqarfiinut pulaarneq.</p>	<p>A. Naajat mannii sammillugit. B. Aanikasik marathon maji peqqissuusa. C. Silap qaammartalernera sammillugu.</p>	<p>A. Meeqqat ulluanni inini sammisaqarneq. B. Inuiattut erinarsuut ilinniarlugu. C. Kulturerput sammillugu inikkaarlutik. D. Nunami saliineq.</p>

Juli	August	September	Oktober	November	December
<p>A. Asiarneq naloraariarneq. B. Naasortariarneq C. Eqaluk sammillugu.</p>	<p>A. Silami nerersuaarneq grillerineq Annersuarmi. B. Umimmak sammillugu</p>	<p>A. Paarnartarneq. Mameladeliorneq. B. Nunatarneq juullimut pinnersaatissanik katersineq. C. Tuttu sammillugu</p>	<p>A. Atisat oqorsaatit sammillugit B. Ukiup nikinnera sammillugu (ukiaq)</p>	<p>A. Taartalernera sammillugu. B. Innarluutillit pulaarlugit.</p>	<p>A. Ullukinnersiorneq B. Santa Luciarneq angajullit. C. Orpiliarneq. D. Nerersuaarneq.</p>



Sapaatip akunneranut pisartut	Qaammammut pisartut	Qaammatit pingasukkaarlugit pisartut
<p><i>Amaqut:</i> <i>Ataasinngorneq kinaavunga? (assit atorlugit tarrarsuulluunniit) ualikkut</i> <i>Erinarsorneq.</i> <i>Marlunngorneq: Pisuttuarneq ualikkut ikkussortakkerineq.</i> <i>Pingasunngorneq: Erinarsorneq. Ualikkut qalipaait sammillugit.</i> <i>Sisamannorneq: Kinavunga. Ualikkut kisitsisit sammillugit 1 2 3.</i> <i>Tallimannorneq. Pisuuttuarneq .Ualikkut qitik.</i></p> <p><i>Puisit:</i> <i>Ataasinngorneq: pisuttuarneq.</i> <i>Marlunngorneq: Oqallorissarneq kinaavunga.</i> <i>Pingasunngorneq: Kamippaat sammillugit.</i> <i>Sisamannorneq: Gruppeni anilluni sammisaqarneq.</i> <i>Tallimannorneq: Qitinneq.</i></p> <p><i>Nannut:</i> <i>Ataasinngorneq : Sapangalerineq.</i> <i>Marlunngorneq: Eqaarsarneq.Frileg.</i> <i>Pingasunngorneq: Pisuttuarneq / oqaluttuarneq.</i> <i>Sisamannorneq: Qiortaaneq.</i> <i>Tallimannorneq: Oqallorissarneq.</i></p>	<p><i>Ukiumut pilersaarut malillugu sammisaqartitsineq.</i></p>	

<p><i>Aqissit:</i> <i>Ataasinngorneq: Titartaaneq –qiortaaneq-nipititerineq.</i> <i>Marlunngorneq: Eqaarsaarneq / Aneerneq.</i> <i>Pingasunngorneq: O.I-mik sammisaqarneq/nipilersorneq aalaasillu (Musik og Rytmik)</i> <i>Sisamannorneq: Sammisaqarneq / assassorneq , sapaasuarmut pikineq.</i> <i>Aneerneq.</i> <i>Tallimannorneq: Qitinneq / sapaasuarmut pikineq, ualikkut pisuttuarneq.</i></p>		
---	--	--

3.2 Angajoqqaanik suleqateqarneq

- *Meeqqueriviup angajoqqaanik suleqateqarneq qanoq naatsorsuuteqarfigivaa?*
- *Nutaatut oqaloqateqartarneq, meeqqat nutaat isertut angajoqqaavinik paasissutissanik aallerfigineqartarput.*
- *Sulisuniit angajoqqaat Aanikasiup ingerlariaasia oqaluttuarneqartarpoq. Meeqanik pisarialimmik suliaasaqartillugu samarbejds møde aallartinneqasinnaasarput.*
- *Meeqqueriviup angajoqqaallu attaveqatigiinniarnarat qanoq ingerlava? Meeqqap iserneraniit aatinneranilu attaveqatigiittoqartarpoq, ingerlalluarneqartarpoq.*
- *Ataatsimiinnerit oqaloqatigiinnerillu (Akulikissuseq imarisaalu) Ukiumut marloriarluta atuisunik ataatsimiisitsisarpuq, saniatigullu inikkaartumik ataatsimiisitsisarluta. Ukiumut pilersaarutit, Ad hóc-mut qinersisoqartarpoq, perorsaanilerineq sammineqartarput, ernumanassutsimut uuttuut sammineqartarluni.*
- *Angajoqqaanut sammisassaqartitsineq: Suli taanna misilinngilarput.*
- *Suleqatigiinneq qanoq nukittorsassava? Attaveqatigiilluarnikkut meeraq pillugu paasissutisseqatigiinneq, suleqatigiilluarnarluni.*
- *Børnemappe nutartigaq atuutilerpoq, angajoqqaat immersueqatiginerisigut. Naalungissaniit aallartilluta.*
- *Allat*

3.3 Sulisut suleqatigiinnerat

- *Sulisut ataatsimiittarnerat (akulikissuseq imarisaalu)*
- *Qaammatit tamaasa sulisut ataatsimiittarput. Saniatigut meeqqueriviit tamakkerlutik ataatsimeeqatigiittarput, (fællesmøde) Aammalu børnehavemøde, vuggestuemødet ingerlanneqartarput qaammatit marlukkaarlutik. Ininiit qaamatikkaartumik ataatsimiittarput, (stuemøde)*
- *Sulisunut sammisassaqartitsineq*
- *Sulisut eqaarsaartarput, ambasadør sulisunut inuummarissaasoq siunnersortigalugu. Saniatigut fitniss-ertarfinni atuerusuttunut neqeroorutaavoq.*
- *Ineriartorneq pikkorissarnerillu: Pikkorissarnerit assigiinngitsut ingerlanneqartarput soorlu: April sundhedsambasadør. April Mini kursus meeqqueriviit tamarmik, børnemappe, angajoqqaanut attaveqariaaseq. Aqutsisutut nutarsarneq modul 1 Majimi, modul 2 juni. "Meeqqat inuusuttullu attaveqarniarnikkut ajornartorsiuteqartut, aammalu Perorsaanilerinermut sakkussat" Majimi. November Meeqqanut oqaloqatiginneriaaseq.*
- *Suleqatigiinneq qanoq nukittorsassava? Sulisunik oqaloqateqartarneq, mussamtale, avitseqatigiittarneq, minnerunngitsumillu nersualaarineq, qiimmassaaneq.*
- *Allat*



3.4 Ukiuni aggersuni suliniuteqarfissat

Soorlu ukua eqqarsaatigalugit:

- Meeqqanik ineriartortitsineq:
- Inatsisartut inatsisaat nr. 16 . 3 December 2012-meersoq naapertorlugu. Meeqqat killiffii aallaavigalugit ineriartortitsineq aallunneqassaaq.
- Perorsaanikkut sakkussat:
Perorsaaneq pillugu isumaliusersuusiortut isummersuutaasa atorneqartut ukuupput: Lev Semyonovich Vygotsky Perorsaasoq inatsisileritooq, Russeq, tarnip pissusaanut ilinniaqqissimavoq. Kandidat Paulo Freire Brasiliarmioq perorsaasoq Ilinniaqqinnikuullunili professoritut pædagogikimi. Abraham Maslow USA-mi inunngorsimavoq. Professorinngorluni (Ph.D) psykologimi. (1934-mi). Erik H Erikson malillugu ineriartornermini killiffiit. Tunngaviit 7 atornerisigut. Sila inerikkiartorfissat.
- Immikkut sammisassaqaartitsinerit sammisallu:
Meeqqat pussugissarlugit, pisuttuartillugit, aneertillugit, eqaarsaernerit, erinarsorneq, pinnguarneq, oqallorissarneq, kulturilerineq.
- Suleqatigiinnerit: *Angajoqqaanut attaveqartuarnissaq, meeqqanut ineriartortitsiuarneq, illumi suleqatigiinneq, illullu avataani (soorlu) meeqqeriveqatigiilluta suleqatigiinneq.*
- Meeqquvimmi atortulersuutit: *Computerit , Ipad, TV, telefon, nutarterneqarnissaat.*
- Allat

Ukiumut pilersarusiaq suliarineqarpoq:

Aanikasimmi sulisut angajoqqaallu.

Allaqqissaarneqarluni:

Pisortaq Grethe Heilmann

Tullersorti Frederikke Therkelsen